

西南稀見方志文獻

第三十六卷

中國西南文獻叢書



中國西南文獻叢書·第一

江苏工业学院图书馆
藏书章

西南稀見方誌文獻

第三十六卷



本卷目錄

姚安縣志 上 [民國] 盧 漢等修 由雲龍等纂……………

一

【民國】

盧漢等修
由雲龍等纂

姚安縣志

上

《姚安縣志六十六卷首一卷末一卷》，民國盧漢等修，由雲龍等纂。本書據民國三十六年（公元一九四七年）鉛印本影印，原書成品尺寸爲二十六厘米乘十五點六厘米，版框尺寸爲二十厘米乘十二點三厘米。

民國戊子秋

姚安縣志

張維翰題



姚安縣志目錄

卷首 一卷

序 凡例 纂修職名 目錄 幅員圖

輿地志第一 十四卷 自卷一至卷十四

小引 疆域 附沿革圖 形勢 關隘附經界 山川 地質 地震附 城池 關堡附 官署 公所附 戶口 坊

市 鄉鎮 暑度 氣候 水旱風霜災附 水利 交通 橋梁附

政典志第二 六卷 自卷十五至卷二十

小引 吏治 吏制教育實業關係警察禁煙倉儲振卹濟貧衛生 司法財政 財務田賦公產捐項經費債券供億銀行 武備

附哨塘兵制 民政 保甲自治縣訓人民團體附特種團體 役政 徭役兵役

大事志第三 四卷 自卷二十一至卷二十四

小引 建置 沿革 兵事 政變 附大事表

人物志第四 十二卷 自卷二十五至卷三十六

小引 官師 題名表八名宦六十五人循吏四十一人忠烈十三人表列三十五人附錄五人 選舉 正表六附表三 鄉賢 三十二

人 卓行十五人 富賢三人 忠義 六十八人士庶兵勇忠義表列一千二百三十八人抗戰忠烈表列及附錄七百九十六人

孝友 五十九人 列女 二百二十七人續通志表列八十二人咸同間殉難貞烈表列六十七人附錄八十六人 文苑 三十六人 義

行 六十六人 方技 二十三人 氏族

學術志第五 六卷自卷三十七至卷四十二

小引 理學 經學 史學 文學 方技雜流專家之書 學術概論

物產志第六 六卷自卷四十三至卷四十八

小引 動物 植物 礦物 工藝 農業 商業

禮俗志第七 七卷自卷四十九至卷五十五

小引 社會 義舉 祠祀 典禮 風俗 方言 宗教

金石志第八 十一卷自卷五十六至卷六十六

小引 碑碣 塔幢 古器 古蹟 名勝

附文徵

小引 考訂之文 九篇附現存人作品二篇 論政之文 九篇 論事記事之文 七十六篇附現存人作品四篇 詮理

之文十七篇附現存人作品一篇

緣情託興之文各體詩二百七十四首附現存人作品九首

附雜載

卷末一卷

敘例

姚安縣志

卷首目錄

一一一

卷之二	卷之三	卷之四	卷之五	卷之六	卷之七	卷之八	卷之九	卷之十	卷之十一	卷之十二	卷之十三	卷之十四	卷之十五	卷之十六	卷之十七	卷之十八	卷之十九	卷之二十	卷之二十一	卷之二十二	卷之二十三	卷之二十四	卷之二十五	卷之二十六	卷之二十七	卷之二十八	卷之二十九	卷之三十	卷之三十一	卷之三十二	卷之三十三	卷之三十四	卷之三十五	卷之三十六	卷之三十七	卷之三十八	卷之三十九	卷之四十	卷之四十一	卷之四十二	卷之四十三	卷之四十四	卷之四十五	卷之四十六	卷之四十七	卷之四十八	卷之四十九	卷之五十	卷之五十一	卷之五十二	卷之五十三	卷之五十四	卷之五十五	卷之五十六	卷之五十七	卷之五十八	卷之五十九	卷之六十	卷之六十一	卷之六十二	卷之六十三	卷之六十四	卷之六十五	卷之六十六	卷之六十七	卷之六十八	卷之六十九	卷之七十	卷之七十一	卷之七十二	卷之七十三	卷之七十四	卷之七十五	卷之七十六	卷之七十七	卷之七十八	卷之七十九	卷之八十	卷之八十一	卷之八十二	卷之八十三	卷之八十四	卷之八十五	卷之八十六	卷之八十七	卷之八十八	卷之八十九	卷之九十	卷之九十一	卷之九十二	卷之九十三	卷之九十四	卷之九十五	卷之九十六	卷之九十七	卷之九十八	卷之九十九	卷之一百
-----	-----	-----	-----	-----	-----	-----	-----	-----	------	------	------	------	------	------	------	------	------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------	-------	-------	-------	-------	-------	-------	-------	-------	-------	------

姚安縣志序

爲文人易爲史家難何也文必已出則亦自言其心之所欲言者而已若夫史則所以紀客觀之事實不能嚮壁虛造章實齋所謂惟恐出之於己者也故修史非鎔裁之難非潤色之難其難首在乎徵採何言乎徵採之難也徵於往古或事有闕遺或書有僞竄文獻不足仲尼所憂雖善無徵子思所病是以爬羅剔抉直當鑿險繩幽然果學裕識精亦許鈎沈糾謬所最難者仍在近事之採輯耳平時之調查不豫則臨時之應付難憑加以恩怨親疏愛憎取捨詳略浮實百出其途雖筆削在我而所以供我筆削者果能洪纖不漏妍媸畢呈耶方志爲國史所取裁固亦史之一體章實齋纂湖北通志甚有名而自言負愧實多其癥結即在當官採訪者多於此道茫如甚且陰以爲利府縣官吏疲懶不支其有指名徵取之件憲司羽檄叠催十不報六而又逼以時限不能盡其從容即於文徵之集亦致慨於詩文諸集送局無多而分纂者且不免徇情通乃賄至抄胥私增覆勘爲勞蓋其難如此愚非文人更非史家惟既忝負一方行政之責感於方志與行政關係綦切而採訪又爲各級行政官廳責無旁貸之事咨詢所及頗知甘苦復聞各縣奉令修志多難中程不免爲地方文獻前途鯁鯁過慮何意竟於姚安縣志欣然觀其殺青也姚安爲唐代治滇重鎮元明而降爲府爲州迄今爲縣沿革雖殊重要則一地理之關係不輕歷史之演進

甚久繼往開來縉紳有責乃六十餘年志未續修迨民國二十八年始有志局之設以由君雲龍爲局長兼總纂由君人龍爲副局長劉君德修爲編輯主任羅君錫章佐之丁君國樑爲事務主任其分任採訪者聞皆一時賢俊閱七寒暑而全書告成請序於愚夫由君雲龍滇中耆碩以七秩之高齡負千秋之大業勝任愉快固不待言矍鑠忘勞尤堪敬佩劉君德修亦稱宿學其他各員悉爲端士且以縣人纂縣志見聞親切採輯非難覽其叙例已得一斑矣抑其自序頗譏流俗修志取胥吏案牘詞人雜纂濫充篇幅此誠易犯之病故章實齋作方志立三書議謂凡欲經紀一方之文獻必立三家之學做紀傳正史之體而作志做律令典例之體而作掌故做文選文苑之體而作文徵三書相輔而行闕一不可其所爲湖北通志永清縣志和州亳州等志皆準此而成今觀姚安縣志叙例則仍納政典藝文於一志之中倘所謂舉重若輕者耶是誠不易也故樂爲之序

中華民國三十六年二月雲南省政府主席盧 漢

新修姚安縣志序

志者識也所以識一方之人物事也縣之有志亦猶國之有史一方之人也物也事也越數十年自爲之一變大有足以紀載之者姚安在明代爲軍民府有府志首邑姚州有州志均無存焉遜清康熙道光間各經重修州志亦殘缺不全至光緒時邑人甘潤之先生（雨）網羅散佚而完成之即今舊州志也自是以後六十餘年間已失修矣此六十餘年中政治社會經濟教育乃至歲時地理等一切現象變遷既多皆應紀載而爲後來之所取鑑焉是姚安縣志之亟宜纂修者明也民國二十八年奉中央及省府迭令編纂地方人士公推邑人由夔舉先生雲龍爲總纂推舉劉紳德修羅紳錫章丁紳國樑等主其事並舉邑之宿儒耆碩殫心搜訪極意披尋無文不錄有美皆登至二十九年冬着手進行歷七年之歲月全書告成凡六十六卷及首末二卷此志也得縣參議會之贊助由先生與諸紳通力合作卒觀厥成宏綱鉅典既已纖悉靡遺兼以參酌古今期其適於應用另訂體例創作八綱起自遜清光緒九年訖至民國三十六年而新舊釐然首末銜接洵信之於今而可傳之於後也書成擬付印者再而三以縣庫支絀異常苦無他款可以挹注適予奉調來守是邦諸紳即以志稿見商予謂纂修縣志洵非易事書成不印可乎印必千部需費幾何就昆商討信使往還論值甚鉅議決僅印半千亦需籌國幣三千餘萬元予謂昔也

志書成而付諸剞劂印無多舊府州各志矢傳蓋由於此今宜懲前愆後全縣計十六鄉鎮一百五十五保鄉鎮保各發一部鄉鎮中心學校亦各發一部流傳既遍可免矢傳即從鄉鎮籌款不啻印書預約遂召集各鄉鎮長及十紳會議戶派門攤大干禁令決議加收一季房捐最爲允協誠以志乘爲一縣之要典非私人之著述由一縣人共完成之未爲不合理也集腋成裘衆擎易舉況在各戶不過加納一季房捐在全姚已印成一部縣志完成縣志民衆亦與其力其事豈不美哉於是如議實施民皆樂從踴躍先納惟今年金融變動異常款未付而印價又增高一倍無力再籌適美金購糧儲券有兌現之舉印志之增價衆議以儲券兌現款中補足縣志於是乎印成堅也滇西末學未及參與徵考稍據一得之愚然披閱之餘深感前人得失當爲後來之借鑑敢不努力奮發從事興革以求日起有功兼於萬難之中盡力籌措經費期底於成以副纂修者數年慘淡經營之盛意庶不致貽久懸未印之嘆云爾書數言以弁端

大中華民國三十六年十一月六日麗江萬松和志堅序於姚安縣政府

姚安縣志序

方志之學至有清而大備以研究之者衆也而尤莫精於實齋章氏之論志其言曰方志乃一方之全史周官外史所領如晉乘楚檮杌之屬即方志之權輿後世乃以地理圖經視之然則司書所掌之版圖又何物耶其言如此夫志者識也孔子論詩興觀羣怨之外更以資多識此物此志也昔者司馬遷著通史創紀傳所以紀事傳人者備矣而歷代之典章文物闕焉不錄斯史之官職未盡也乃立爲八書班固斷代爲史易爲八志此志之所由昉也於是唐杜佑曰通典宋鄭樵曰通志元馬端臨曰通考所以補各編年史志之未備者粲然矣然而所紀者舉國之事非一方之事也考周官小行人出使四方反命於王則以萬民利害及禮俗政教之類各爲一書名爲五物以獻於王是知輶軒采風所取四方之事亦必分別爲書後世所以有方志之作歟既係一方之志則所謂萬民利害禮俗政教皆必一一紀之以供行人之採取非專事地理明也自世儒誤爲地理專書紀載偏重或等例於纂輯比類繁猥墳并其下者更取胥史案牘詞人雜纂茅韋膚文米鹽碎事徒充篇幅失其義旨矣古昔邦國之志亡佚不存春秋左氏所引周志軍志諸文亦不可得見知各國皆自有其書而已逮至漢時承周文治郡國圖籍畢上太史於是改國史之例爲郡縣之書科條釐然各有記述自晉以後如華陽國志九國志吳郡志姑蘇志新安志臨安

志等漸臻美備傳者無多宋稱極盛元明繼之傳者各不過十餘家而如康海之武功志韓邦靖之朝邑志世多稱許然蕪雜簡陋非史裁之善本也有清三百年間各省府廳州縣之志略備吾姚安有明太守李成材郡人陶珽創修府志陶珽纂姚州志均已失傳迄清康熙間州牧管榆道光間學正王壇重修州志亦祇僅存殘本至光緒間甘澗之先生兩網羅散失成州志十一卷最爲完書近六十年來時局之變遷爲前此所未有語其物質不得不謂之有進境而猶須鼓勵闡發衡以政治文化倫理精神則千端萬緒有待於修舉者正自無限然則縣志之纂輯以爲修明政治之憑藉者實不可緩也間嘗取最近成書堪稱善本之寧縣志民國十五年、犍爲縣志民國十七年、比附參較竊以爲吾姚安今日修志所當注重者有三曰續續前志之未逮也前志止於光緒八年自是厥後首次反正之大改革中央本省歷次之政變其影響於地方者甚大宜繼前書而續述之者一也曰補補前書之不足也政治教育之改革交通實業之進步以及其他部門多有前此所未備者宜就前志而補輯之者二也曰創居今日而修縣志自非前志之旨趣門類所能範圍則繼往以開來傳今以示後即章氏特樹之義例橫拓之領域由時代之進展尙嫌其未盡適宜所宜闢而新之以應於現代之要求蓋一方面爲因一方面又須爲創者三也依此三者參以史漢諸書及近日成書義例酌立八綱細目六十庶以備史部之要刪貽後來之典範乎叙曰